

Namminersorlutik Oqartussat Qinikkatut Pisortanillu Toqqakkatut suliaqarneq il. il. pillugu nalunaarutaat

Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21-mi 18. december 2003-meersumi § 58, imm. 2 tunngavigalugu aalajangersarneqarpoq:

Kapitali 1

Qinikkatut pisortanillu toqqakkatut suliaqarneq

§ 1. Nalunaarummi matumani qinikkatut pisortanillu toqqakkatut suliaqarnertut uku isigineqarput:

- 1) Inatsisartuni ilaasortaaneq,
- 2) kommunalbestyrelsimi ilaasortaaneq, bygderådimi ilaasortaaneq ataatsimiititalianilu kommunalbestyrelsimi bygderådillu pilersinneqartuni kommunalbestyrelsimi ilaasortaaneq naapertorlugu ilaasortaaneq,
- 3) Pisortat suliffeqarfiani siulersuisutut ilaasortaq, Inatsisartut, Naalakkersuisut, kommunalbestyrelsi nunaqarfinnilluunniit aqutsisut ilaasortamik toqqaasuutillugit,
- 4) eqqartuussisutut suliaqarneq,
- 5) eqqartuusseqataasartutut suliaqarneq,
- 6) illersuisutut illersortitullu suliaqarneq, kiisalu
- 7) suliaassanik allanik pineqartup inatsisat malillugit suliarissallugit pisussaaffeqarfiini suliaqarneq.

§ 2. Tjenestemandit qinikkatut pisortanillu toqqakkatut suliaassanik § 1 naapertorlugu suliallit, suliaassat pineqartut isumaginissaannut pisariaqartitsineq naapertorlugu, §§ 3-5-imi malittarisassat malillugit sulinngiffeqarsinnaatitaapput.

Imm. 2. Katissimasatut aapparisaq inooqatigisarluunniit Inatsisartunut Naalakkersuisunullu il.il. ilaasortanut ajunngitsorsiat pillugit Inatsisartut inatsisaanni maleruagassani § 8, imm. 3 naapertorlugu angalaqataasoq, aaqqiissuisut sioqqutsisumik katissimasatut aapparisaq inooqatigisamulluunniit qaaqqusissummik pilersaarummillu, katissimasatut aapparisaq inooqataasulluunniit peqataaffigisassaatut ilimagineqartumik tiguisimatillugu malittarisassani §§ 3 aamma 6 naapertorlugit sulinngiffeqarnissamut periarfissaqarpoq.

§ 3. Sulinngiffeqarneq ajornanngippat piffissap suliffiup allanngortiterneqarneratigut imaluunniit suliffimmik paarlaasseqatigiinnikkut pissaaq. Sulinerup pilersaarusiorneqarnerani sulisitsisoq pineqartoq tjenestemandilu pineqartoq naleqquttumik aaqqiissuteqarnissamut peqataanissaminnut pisussaapput.

Imm. 2. Sulinngiffeqarneq imm. 1-imi taaneqartutut piffissap suliffiup allanngortiterneqarneratigut

imaluunniit suliffimmik paarlaasseqatigiinnikkut pisinnaangippat imaluunniit piffissap suliffiup allanngortinneqarnera tjenestemandip katillugit piffissamik suliffissaanik annertuumik sivitsuinnikkut aatsaat pisinnaappat § 4-mi malittarisassat atorineqassapput.

§ 4. Pisuni § 2, imm. 1-mi taaneqartuni qaammatisiutit ukiuanni ataatsimi ullut 60-it tikillugit tjenestemandi sulinngiffeqarsinnaavoq akissarsiasaminik ilanngaaffigineqarnani. Taamatut sulinngiffeqartitsisoqartillugu suliassap naammassiniarneranut atatillugu ullut angalaffigisariaqakkat ilanngullugit naatsorsuuneqassanngillat.

Imm. 2. Sulinngiffeqarneq imm. 1-mi taaneqartumit siviluneruppat tjenestemandip akissarsiai ilanngaaffigineqassapput sulinngiffeqarnerup nalaani ulloq suliffik ataatsimi nal. akunneri sisamat tikillugit qaammammut akissarsiat 1/60-iata ullormilu suliffimmi nal. akunneri sisamat qaangerlugit qaammammut akissarsiat 1/30-iata nalingannik.

Imm. 3. Taamaattoq qinikkatut pisortanilluunniit toqqakkatut atuunnermi imm. 2-mi taaneqartutut aningaasarsianik ilanngaaf, tjenestemandi allatut naatsorsuinnermik akuersitillugu, qaammammut aningaasanik qaammammut ajunngitsorsiat ataatsimiinneriutilluunniit assinganik naleqartumik isumaginninnermi annertussuseqarsinnaavoq. Aningaasat sinneruttut qaammatip tullianut nuunneqassapput. Ukiup feeriarfissanik katersiffiup iluani aningaasarsianik ilanngaafat ataatsimut ajunngitsorsianit ataatsimiinneriutinilu piffissami tassani tjenestemandimit pissarsiarineqartunit annerusinnaanngillat.

§ 5. Pisuni § 2, imm. 2-mi taaneqartuni katissimasatut aapparisaq inooqatigisalluunniit angalanermut peqataanermini sulinnermi isertitanit, ajunngitsorsianit allatulluunniit aningaasaatigut ajunngitsorsiaqartinneqannginnerani, akissarsianit ukiup qaammatisiutaata ingerlanerani ullut 60-it tikillugit ilanngaataanngitsumik sulinngiffeqartitsisoqartassaaq. Ullormusiat Kalaallit Nunaanni tjenestemandinut malittarisassat atuuttut malillugit tunniunneqartut tassani ajunngitsorsiatut isigineqanngillat.

Imm. 2. Katissimasatut aapparisaq inooqatigisalluunniit angalanermut peqataanermini sulinnermi isertitanit, ajunngitsorsianit allatulluunniit aningaasaatigut matussusiiffigineqarnerani, imm. 3-mi taaneqartutut aningaasarsianit ilanngarneqarluni sulinngiffeqartinneqassaaq.

Imm. 3. Sulinngiffeqarneq imm. 1-mi taaneqartumit siviluneruppat tjenestemandip akissarsiai ilanngaaffigineqassapput sulinngiffeqarnerup nalaani ulloq suliffik ataatsimi nal. akunneri sisamat tikillugit qaammammut akissarsiat 1/60-iata ullormilu suliffimmi nal. akunneri sisamat qaangerlugit qaammammut akissarsiat 1/30-iata nalingannik.

Imm. 4. Taamaattoq tjenestemandi allatut akiliuteqartoqartarnissaanik paasinnilluni nalunaaruteqarsimanngippat, qaammatinut tamanut amerlanerpaamik sulinnermi isertitanik annaasanik matussutitut aningaasat, ajunngitsorsiat allatulluunniit aningaasanik taarsiissutitut tigusat.

Kapitali 2

Folketingimi ilaasortatut sulineq

§ 6. Tjenestemandi Folketingimi ilaasortaanini pissutigalugu atorfirmimi sulinngitsoq atorfirmi tassani akissarsiasatut aalajangersakkat ilaannik sunilluunniit akissarsiaqartinneqassanngilaq.

Imm. 2. Aningaasaqarnermut Sulisoqarnermullu Aqutsisoqarfik tjenestemandit Folketingimi ilaasortaanermut atatillugu piffissap ilaannaanut sulisarneranni akissarsiaritineqartut pillugit malittarisassanik erseqqinnerusumik aalajangersaassavoq.

Kapitali 3

Ataatsimoortumik aalajangersakkat

§ 7. § 1-imi imaluunniit § 2, imm.. 2-mi taaneqartutut piffissaq qinikkatut pisortanilluunniit tooqqakkatut, Folketingimiluunniit ilaasortatut tjenestemandip sulinngiffeqarfigisaa piffissalluunniit ilaannaani suliffigisaa, Aningaasarsiaqartitsineq pillugu Siunnersuisooqatigiit oqaaseqaateqareerneranni aningaasarsianik soraarnerussutisianilluunniit naatsorsuinermit ilanngunneqarsinnaavoq, Kalaallit Nunaanni naalagaaffimmi tjenestemandinut il.il. soraarnerussutisiaqarneq pillugu inatsimmi § 58, imm. 4 aamma Kalaallit Nunaanni naalagaaffimmi tjenestemandinut il.il. soraarnerussutisiaqarneq pillugu inatsimmi § 5, imm. 5 takuuk. Soraarnerussutisiaqarnissamut ukiunik naatsorsuinermit ilanngussineq Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni § 55 naapertorlugu kiisalu Kalaallit Nunaanni naalagaaffimmi tjenestemandinut il.il. soraarnerussutisiaqarneq pillugu inatsimmi § 24 b naapertorlugu soraarnerussutitut ilapittuutunik akiliisoqartarnera tunngavissaatinneqarpoq.

Imm. 2. Akissaatinut qaffasinnerusunut nuunneq inatsit imaluunniit aqqissuussineq akuerisaq tunngavigalugu sulinerullu sivilissusia pissutigalugu pisoq aammalu naammaginartumik sulinermit pissuteqartoq tjenestemandip pineqartut nalunaarummi matumani suliat angalanerilluunniit pineqartut suliariniarlugit sulinngiffeqarnera apeqqutaatinnagu pissaaq.

Kapitali 4

Atuutilernera

§ 8. Nalunaarut saqqummiunneqarnerata aqaguani atuutilissaaq.

Imm. 2. Peqatigisaanik Namminersornerullutik Oqartussat Qinikkatut Pisortanillu Toqqakkatut suliaqarneq il. il. pillugu nalunaarutaat nr. 5, 15. marts 1994-imeersoq.

Namminersorlutik oqartussat, ulloq 1. september 2022

Naaja H. Nathanielsen
Aningaasaqarnermut Naligiissitaanermullu Naalakkersuisoq

/ Nikolai S. Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut